

Von vogten vnd pflegern. XLIX

oder den iheren so wir darzū verordnen/rechnung zū geben/vnd abtrag zethim.

Väter/ desz gleichen die müttern

mögen in testamenten iren kunden vögt setzen.

Ein erlicher vatter/ oder grosvatter der vernunft vnd glauben hat/ mag in sinem testamēt/ sinen kunden die noch nit muntpar/ oder den iheren kunden/ so toubsunnig/ natürlich narren/ stummē/ blindē/ oder in anderweg vernünftiger wirtkūg/ Beraubt sind/ wol vögt setzen/ das ouch der mütter vnd grosmütter die eins erlichen wesens vñ glaubhaft sind/ in iren testamenten zūgelassen ist/ Vnd die also durch vatter oder mütter gesetzt vnd benent sind/ so ver sy den testierer solichs zūgesagt hetten/ die sollent nachgehend/ vnd vff absterbē der testierer vnuerhindert menckliche zū ir vogty zūgelassen werden/ sich ouch dero beladen annemen vnd nit widersetzen/ sy haben dan der nachbestimpten vsachen eine/ zū entschuldigung vorhanden. Benempt er aber vögt die im nichts zūgesagt hetten/ vnd die sich der vogtie nit annemen oder beladen wölten/ so sol allweg zū vnser erkantnuß stan/ ob sy die vogty annemen/ oder deren erlassen werden sollen/ vnd wo die solcher vogty/ von vns vñ durch vnser erkantnuß erlassen werden/ so wöllen wir alsdan die kind/ mit andern personen/ so vñ der fründschafft tougenlich vnd geschickt vorhanden sind/ so aber deren dheimer tougēlich oder geschickt vor ougen wer/ demnach mit andern vögten wie sich gepürt versehen.

Wen dhein testamentlicher

vogt ist/ so sollen die müttern vnd ander den mangel anbringen.

Were sach das vatter oder grosvatter ire kind mit vögten in testamēt nit versehen hetten/ das sollen nach absterben vatters vnd grosvatters/ die mütter oder grosmütter/ oder ob die nit weren/ die nechsten sipfründ so anders einich vorhanden/ vnd in vnser Statt seßhaft weren/ in einem monat dem nechsten nach der eltern absterben/ vns in gefesnem rat anzögen/ vnd so ver die mütter oder grosmütter der vogtie vnd verwaltung begert/ Ist sy dan eins erlichen wesens/ vnd vnser bedunckens tougenlich/ wie oben gemeldet ist/ so sollen vnd wöllen wir inen/ es sy die mütter oder grosmütter solch vogty beuelhē. Wöltē aber sy beyd oder ir eine sich der vogtie nit beladen/ als sy sich dan des wol entschlahen mögen/

R